

初集

天體

對足底行說

日與地球大小遠近

七曜行度

七曜經星大小

五星總說

經天該

天地雜說

地體

九重天離地遠近

日月食

五星遠度歌

形體星數附

步天歌

經星主占

天津交通銀行同人俱樂部圖書室

天學入門

嘉慶丁卯鐫

乙亥刊
全四集

崇山房
藏書

高厚蒙求

另刊天文中西
合圖餘俟續刻

雲間徐氏藏版

道先甲申新鐫

御定北極
高度表

掃葉山房
督造書籍

天學入門自序

古人身心性命之學類以致知



政事之書命官先咨歷象官禮乘治平之法職方

臚列土風他如爾雅釋名備詁天地山川之義山

經誌異并及神姦人物之奇余 先世愛研數理

手造泰西儀器五代于茲矣後於制舉業暇嘗從

先君子側聞緒論愧不能有所發明稍長而所

與居游第以自鳴鐘表相詫異夫鐘表誠兼巧力

而數理則別孕精微即遇對策行文亦儘可藉題

以覘根柢獨惜吾黨不乏好古嗜奇之士類多諉

高厚蒙求

自序

諸例禁置不敢言不知

國憲所垂祇為師巫妄語災祥特嚴禁例而于二曜

五星之運動定差置閏之精微

聖天子聲教覃敷原未嘗但使之由不使之知也中土

自陶唐以後探微抉奧代有其人自前朝利氏來

賓而歷算之精於斯為極伏讀

御製數理精蘊全函宗旨皆承中土所遺推步參用泰西

之法以故精而益精後有聖明宜必無駕乎其上

者嘉慶丁卯吾鄉 吳稷堂先生致仕家居將余

所撰中星表及儀器圖說刊入藝海珠塵梓客因

知余稿尙多再三來請爰擇其說之淺近者知于
條或本管見或本鈔摘錄以付刊爲窺天者開從
入之門卽爲拙稿中畧涉精深者導以先路大雅
貽譏知所不免而從茲漸進似於天學不無小補
云

嘉慶丁卯正陽上澣華亭徐朝俊書於雲間書院

高厚蒙求

自序

高厚蒙求初集目

天學入門

天體

地體

對足底行說

九重天離地遠近

日與地球大小遠近

日月食

七曜行度

五星躔度歌

本七政曆

高厚蒙求

目

七曜經星大小形體

附星數

五星總說

步天歌

本通志

經天該

本梅氏歷書

經星主占

摘天文

天地雜說

天體

天學入門

高厚蒙求初集目

高厚蒙求

松江 徐朝俊 纂

長男 紱 校

天體

天體渾圓。包乎地外。周旋無端。其形渾渾。故曰渾天。元氣充塞。圍注地心。而地乃得懸空。而不偏墜。西人航海。嘗以遠鏡察天體。則見稜層凹凸。堅而且輕。又如蒸頭之皮。明而無色。層層通透。光似琉璃。日月五星。皆逐層附麗。而動其最上一層。為宗動天。則自東而西。其下八重。則自西而東。因為宗動所帶動。故人見日月五星。皆

高厚蒙求

天體

一

若自東而西。其實八重。天皆向東。而各動其所本動也。惟其各有本動。而後四時寒暑。積閏歲差。皆從此出。有別論。夫天本無度。以日行為度。天本無黃赤兩道。測天者就南北極中分之。因畫南北半天之腰為赤道。又就日躔所經赤道。內外各二十三度半。強斜交于赤道。南北者為黃道。天本無十二宮。次以日月所宿之次為次。此皆古聖人因天以定歷。而各立主名。為推步張本。仰觀者。第以二十八宿之運動為宗。而諸重天之遲速。皆可

得而定焉。

地體

地體之周。以天度計之。當得九萬里。地以二百五又以
徑一圍。三計之。其厚當得二萬八千六百三十六里零。
百分里之一。其半徑當得一萬四千三百一十八里九
分里之二。爲人物所居之面。說本天此皆實有徵據。不
若書史所稱神農度地周圍九十萬里。南北八十一萬
里。及一切天高與地厚相等之說。並屬懸虛約畧之辭。
若論形撫則沙土山海。合成一箇圓球。故謂地爲方。語
其德而非語其形也。何以見之。如人向北直行二百五
十里。則見北極出地高一度。南極入地低一度。如向南
直行二百五十里。則視北極遠一度。視南極近一度。如

高厚蒙求

地體

二

人在極南能見近南極諸星。而北極之星不見。人在極
北所見者。反是。則地體之圓。可無疑矣。昔西人曾航海
入中國。忽見南北二極之星。皆在平地。蓋其所到之地
已在球之晝夜平線間。更轉而南。過大浪山。則見南極
出地三十五度。可知其地正與中國上下相對。而歷其
地者。仍仰而望天。未嘗視天在地之下。則益見地球之
圓。而周圍並可居。人皆非荒誕。此理惟西人格之中華
學士大夫恒創聞而不敢信。余故作對足底行說。卽其
理而備申之。如左。

對足底行說

大學絜矩之道。不過以此絜彼。天地之大。亦于絜矩求之可也。三角法。並是絜矩論。繁理精別。有輯說。世人所歷之地。囿于一隅。

又不能以實絜虛。以近絜遠。則毋惑乎以理之所必有。竟疑爲事之所或無。苟欲明人有對足底行之理。當先知東西上下之稱。皆據人現在所處之地言。而無定所。又須知地懸大氣適中。其于天之上。下四旁無偏著。亦無偏近。故地球中心爲離天最遠之處。卽爲周圍重性所趨之處。故山海人物皆無傾倒之虞。曷言乎東西無定稱。如人居極東。則此爲午。彼爲酉。居極西。則此爲午。彼爲卯。居地下。則此爲午。彼爲子。此可見東西之無定。

高厚蒙求

對足底行說

所也。又曷言上下無定稱。如火性炎上。盡人知之。試設一熾炭於此。置物炭上。遠寸許。則焦。置物炭下。遠寸許。則微熱。遠至尺許。則并不覺其熱矣。炎上故也。至太陽之火。自日輪天至地平。相去一千六百零五萬五千餘里。其熱尙能爍物。必執炎上之說。則日輪以上諸星。天得不爲所焦灼乎。可知日在地下。則上炎在地上。則下射。則又日性之趨重地心故也。苟以火可下射絜之。則人足底獨不能相對行耶。又試設一空甕于此。量其八分之水。而傾于盆。或燃火於甕。而覆者益其水。立卽吸。盡氣不滲漏。則水終不溢。是又可見氣之所疑就下者。

未嘗不能向上觀空。穰積氣。穰水能不下溢。又何疑地旁地下之水不能傾而足底之可以相對而行。其理不可參觀而並信也哉。

九重天離地遠近

天有九重層層相包。其相間各有道里可測。茲就測就

遠近錄之。說本渾蓋通憲第一重宗動天。離地六萬四千七百

三十三萬八千六百九十餘里。第二重二十八宿天。前

星天。又即歲差天。每離地三萬二千二百七十六萬九

千八百四十五里零。第三重填星土星天。離地二萬零五

百七十七萬零五百六十四里零。第四重歲星木星天。離

高厚蒙求

九重天遠近

四

地一萬二千六百七十六萬九千五百八十四里零。第

五重熒惑火星天。離地二千七百四十一萬二千一百里

零。第六重日輪天。離地一千六百〇五萬五千六百九

十里零。第七重太白金星天。離地中心二百四十萬零六

百八十一里零。凡日輪天以上諸星離地甚遠而其體

若金水大陰去地甚鉅較地則地甚微不妨就地而測之

地心測之法須另算地形半徑第八重辰星水星天。離

地中心九十一萬八千七百五十里零。第九重月輪天

離地中心四十八萬二千五百二十二里零。於地為最近。
日輪與地大小遠近考

日大于地。詳見後篇。茲不及贅。蓋地球一周三百六十度。每度二百五十里。日天一周亦三百六十度。每度當得數萬餘里。其故何也。蓋天大于地。則天度自廣。地度自狹。試畫一小球。分度若干。而另畫一大球于小球之外。斜引小球之度于大球。其廣狹自見。西人嘗以器測日。知天度半度。爲日全徑之度。則日輪之大亦當得數萬餘里。而大于地球可知。至于東西上下遠近之說。列子作寓言。遂啟後人無數疑竇。不知地懸空際。居中無着。四際離天。並無遠近。後謂其說有二理。並可通一說。凡人視力視平遠與視高遠有殊。試取風箏。盡其所放。高厚蒙求。

日與地球大小遠近

五

之線。置之平遠。則不甚見。小放之。天半則小。如鳥鳶視力不同故也。一說謂近地恒有濕氣。日出入時帶此濕氣。故如水中視物。物形恒見大于物體。顧又有疑之者。謂日當午時。離地一千六百萬餘里。而當其出沒之際。人立地面視之。則以一千六百萬餘里。又加以地球半徑一萬五千里。畢竟上下近于東西。且濕氣之說。假如人居極西九十度。則彼地之卯。此地之午。此地午時。陽光直射下土。安得有濕氣。見障西人不知。陽火祇射地心。已詳說。太陽在東。祇向地球東面射心。而于東南一隅。仍有濕氣。障東望之。日太陽在午。祇向本地射入地。

心而西南一隅仍有濕氣。足障西人之目。故就人居本地地平而言。則東西遠于上下。地球有之而謂因近而熱因遠而涼。其說非也。

日月食

日有食者。月魄掩日故也。日月當晦朔之時。所行適當九道交處。故下掩其光。蓋月不行黃道。止行二青二赤二白二黑之八道。此八道皆斜出于黃道之內外。月經天十三次。則有二十六次。出入于黃道內外。凡二十四次。不與日會。會日惟二次。故通計一百七十三日有餘。而有一交。然而有食有不食者。因日月同道之際。道有

高厚蒙求

日與地球大小遠近

六

分數。故食之分數。因之。或少有盈縮。從邊而過。故有食有不食也。凡月行內道。在黃道之北。則食行外道。在黃道之南。多不食。陽瑪諾云。日食必在日月經緯同度處。若緯不同度。如日在北。月在南。經度雖同。日不食也。月有食者。月本無光。恒借日光以爲光。日月相望地球適隔其中。則光爲地掩而食。蓋月最近人。日則遠而在外。故晦朔則日照月之上。面而下。而無光。弦則月東行。漸與日遠。日從旁照。自漸得一線之明。望則對照下面。而全明矣。然所謂對照者。總是從旁相對。惟日月各當九道之交。上下相對。則爲正對。而地乃得而隔其光。此

日月食之大畧也。測食及天問畧另有備論

七曜行度

宗動天一日一週。周三百六十五度四分度之一。太陽隨天左旋。實每日右旋一度。故積三百六十五日有奇。而與天會以成歲。太陰之行。出入黃道內外。春青夏赤。秋白冬黑。各二道。而為八道。每日右旋十三度有零。積二十七。日有奇。而與天會。積二十九。日有奇。而與日會。為一月。凡日月相會。必在初一。如初一卯時以前相會。則望在十五。卯時以後相會。則望在十六。若在酉時以後。則望必在十七也。土星填麗天右旋。平行二十八日。

高厚蒙求

七曜行度

七

移一度。二十八月移一宮。二十八歲一周天。此舉成數而言其日時零餘別有算法晨始見。去日半次。順行八十日始留。

三十四日不行而旋退。逆行一百一日復留。三十三日

有奇而旋復。八十五日而伏。晨伏二十一日有奇。而見

東方。夕伏同。木星歲麗天右旋。平行十二日移一度。一

歲移一宮。十二歲一週天。晨始見。去日半次。順行一百

三十日始留。二十四日而疾。逆行九十三日復留。三十

四日有奇而復順。一百一十四日有奇而伏。晨伏十七

日行四度。而晨見東方。夕伏十八日。行四度。而與日會

火星熒麗天右旋。常以十月入太微。受制平行二日。移

火星惑麗天右旋。常以十月入太微。受制平行二日。移

一度。二月移一宮。二歲一周。天去日半次。順行二百七十六日。始留不行而旋退。逆行六十日。復留十日。不行而復順。二百七十六日而伏。晨伏七十一日。行五十一度。而晨見東方。夕伏同。凡一日半行一度。疾則七日半行五度。金星太白麗天右旋。附日而行。或前或後。平行一日。移一度。一月移一宮。一歲一周。天出以辰。入以丑。未春出東方。以辰巳爲極。秋出西方。以未申爲極。過午爲經。天日出。曰書見。晨始見。去日半次。逆行六日。始留。八日不行而旋退。順行四十六日。疾。順行一百二十五日。遲四十六日。留七日。不行而旋退。逆行六日。而伏。晨見。

高厚蒙求

七曜行度

八

同。凡晨出東方。曰啓明。俗謂之天亮。曉夕出西方。曰長庚。俗謂之黃昏。曉總不離太陽。前後二宮。水星辰麗天右旋。附日而行。或前或後。平行一日。移一度。一月移一宮。一歲一周。天常以春分見于奎。婁秋分見于角。亢。夏至見于東井。冬至見于牽牛。其餘常伏。日下。晨始見。去日半次。逆行十日。始留。二日不行而旋順。六十七日。順疾。遲十日。十八日而伏。伏十八日。而夕見西方。凡水星近日則遲。遠日則疾。火則近日則疾。遠日則遲。木。火。土。三星。夜半經天。金。水。二星。不經天。旦見丙巳之地。則速。以追日及之。而伏。昏見丁未之地。則遲。行以待日及之。

而又伏。此日月五星行度之大畧也。

附五星躔度歌

六十年間看土星。放長一度有原因。遲十一日留伏逆。三十六時過宮筭。木星八十四年詳。度度務要對。太陽縮一度算。眞法語。遲十六日是眞源。八十年前火六躔。度度相對。太陽連放長二度眞踪跡。縮前三日是法言。金星九載大週天。三度縮算是眞傳。遲留伏逆均一法。過宮時日任除增。水星六十六年通遲十二度。伏逆同。度數悉與太陽對。詳參此

理妙無窮

高厚蒙求

七耀行度

九

七耀經星大小形體附經星數

日輪之大大于地球一百六十五倍。入之三。西人以遠

鏡測之。見其于出沒時。體不甚圓形。如雞卵。其邊則如

鋸齒。其面有浮游黑點。大小不一。隱見。隨從。每閱十四

日。則周日而之。徑前點出。後點入。不能解其何物。何故。

月輪則小于地球三十三倍。又三之一。其體面凹凸不

平。其明處如山之高處。得日而明。暗處如山之卑處。不

得日而暗。亦木遠鏡說。以日較月。則日大於月六千五百三

十八倍。又五之一。而視之。若不甚大小者。則以人目所

睹物近則雖小亦大。物遠則雖大亦小。故也。土星之大

大於地九十倍又八之一。其形體則兩旁有二小星。經久則漸近土後或合而爲一如卵兩頭。又如鼓之有兩耳。木星之大。大於地九十四倍半。近木別有四小星。左右隨從有規。則有定期。又有蝕時。火星之大。大於地半倍。金星則小於地三十六倍二十七之一。其形體如月之有盈虧。有上下弦。其變易于一年之間。亦如月之變易于一月之內。凡居太陽之上則光滿。居太陽之下則光虛。其忽大忽小。恒以居太陽左右上下而別焉。水星亦小於地二萬一千九百五十一倍。與火星形體遠鏡中別無所見。與人目所睹畧同。經星大小。向分六等。最高厚蒙文。七耀經星大小形體。十。

大一等。其全徑大於地徑一百零六倍。又六分之一。泰西志表定數一十有六。此皆木朝南公懷仁所定之數與舊測互有異同茲從新測次等。大於地八十九倍。又八分之一。其數六十有八。三等。大於地七十一倍。又三分之一。其數二百有八。四等。大於地五十三倍。又十二分之一。其數五百十二。五等。大於地三十五倍。又八分之一。其數三百四十。有二等。大於地一十七倍。又十分之一。其數七百三十。有二總計一千八百七十八星。

五星總說

土星春死夏相秋休冬囚四季王主周梁宋三河其所

在之地有。福不可伐。木星春。王夏休。秋死。冬相。四季囚。主齊魯東吳所留之地。吉所去之地。凶火星春相。夏王。秋囚。冬死。季夏休。主荆楚以南國主有道則疾行而東。否則留而降。罰金星春囚。夏死。秋王。冬休。四季相。主秦。晉已。蜀其進退遲速皆所以候兵。故用兵必占太白。水星。春休。夏囚。秋相。冬王。四季死。主燕趙代諸地。又爲偏將軍。故用兵既占太白必候辰星。凡五星行次各有常準。其所運皆傍黃道而行。或行出黃道南六尺。一度爲人。曰外。出黃道北六尺曰內。其所經之宿。角中間亢南一尺。氐中央房中道。心北二尺半。尾北三尺。箕北一尺半。

高厚蒙求

五星總說

二

斗杓第三星。牛南一度。女虛危俱在南二度。室南三尺。壁南二尺半。奎南二度半。婁二度半。胃南三尺。昂南一尺。畢北二尺。觜北二尺。參北三尺五寸。井中北五寸。星南二尺。柳北三尺。星北三尺。張北三尺五寸。翼北四尺。軫北三尺。循此而行皆爲順度。不占其色。木青。火赤。土黃金白水。黑王則光芒相則光實。休則有光而無角。不動。囚則光芒並無時。或失其常度。或變其常色。則占凡。東行曰順。西行曰逆。順則進而疾。逆則退而遲。不東不西。當去而復來曰留。與日相近而不見曰伏。與日同度曰合。趨舍而前曰盈。退舍而後曰縮。凡失次而上二三。

宿曰盈失次而下二三宿曰縮。光明滅不定曰動。光明四出生鋒曰芒。芒長四出曰角。長而偏出曰彗。相近在七寸之內曰合。五寸曰犯。過而復留亦曰犯。相觸曰鬪。後行而及曰襲。相近而忽相侵滅其光曰掩。或成勾已乙狀曰勾已乙。不見曰亡。當去而不去曰守。當來而越曰泛。同宿曰聚。未當去而去曰出。未當來而來曰入。與行而造其中曰入。下壓之曰乘。自下而直往上曰凌。相冲而指曰觸。侵其中曰食。

五星變

五星之精凡羸縮失次而無光則精降於地。土精降地。

高厚象求

五星變

三

爲一。二。百歲之老人。或老婦人。其變恒散爲五。幾獄漢大賁。紕流昭星。旬始繫咎。虹蜺黃彗等星。木犄降地爲貴人。其變恒散爲天棊。天槍。天衝。天滑。國皇反登。蒼彗等星。火精降地爲妖爲童兒歌謠嬉戲。其變恒散爲天挽。司危。昭明。蚩尤。旗赤彗等星。金精降地爲壯夫處林麓。其變恒散爲天杵。天枥。伏靈。大敗。司姦。天狗。天殘。六賊。白彗等星。水精降地爲美婦人。淫亂無所不爲。其變恒散爲枉矢。破女。拂樞。繞延。滅寶。驚理。舊祀。黑彗等星。

四餘

凡月行入道之斜出于黃道者。首尾各有一交。其近日

者曰天首。是爲羅猴。故羅猴爲火之餘。其對冲爲地尾。是爲計都。以其常當地影。故計都爲土之餘。孛生于月。月行有遲速。其最遲處爲孛。月屬水。故孛爲水之餘。孛則生於閏二十八年十閏。而悉一週天。閏由歲定。故悉爲木之餘。此四餘皆有度無形。併七政而爲十一曜。

三際

月輪天至地球。內函三際。其近地一重爲溫際。人物所居。外裏冷際。冷際之外。火際裏之。皆有氣而無形。

經星歌

隋有丹元子作步天歌。王希明纂漢晉志而釋之。唐

高厚蒙求

四餘

三際

三

書卽以爲王希明作誤也。明有泰西利瑪竇作經天該一名經天訣。又稱溥子珏作。未審所撰何人。要皆句內有圖。言中有象。余嘗取兩歌而攷其同異于星名。或此有而彼無。于星數。或此多而彼少。于星之所屬。或此宿而彼垣。閱者或滋疑議。不知巫咸甘石傳說先殊。司馬淳風纂言亦別。師承參錯。何止中西。但學者苟取衆說而折衷其是。旣不得是古而非今。又安可是今而廢古。茲故彙刻之以資記誦。且便後人參訂云。

步天歌 此爲古歌

中元北極紫微宮北極五星在其中。大帝之座第二珠。第三宮中庶子居。第一前星曰太子。四爲后宮。五天樞。左右四星名四輔。天一太一當門路。左樞右樞夾南門。兩面營衛一十五。上宰少尉兩相對。少宰上輔次少輔。上衛少衛。次上丞。後門東邊大贊府。門西喚作一少丞。以次却向前門數陰德門裏兩黃聚。尙書以次其位。五女史柱史各一戶。御女西志四星。五天柱。西志大理西志兩星陰德邊。勾陳尾指北極。顛勾陳六星六甲西一前天皇獨在勾陳裏。五帝內坐。西志無後門是華蓋星。西四并杠西志無十六星杠作柄象蓋。

高厚象求

步天歌

西

傘形。蓋上連連九箇星名曰傳舍。西八如連丁。垣外左右各六珠。右是內階。左天厨。階前八星名八穀厨。下五箇天棊宿天牀。西志六星左樞在內厨。西志兩星右樞對文昌斗上半月形。希疎分明六箇星文昌之下曰三師。太尊只向三公。明天牢。西一六星太尊邊。太陽之守四勢。西志前一箇宰相太陽側。更有三公相西偏。卽是元戈一星圓。天理四星斗裏暗。輔星近著闔陽淡。北斗之宿七星明。第一主帝名樞。精。第二第三璇璣星。第四名權。第五衡。闔陽搖光六七名。搖光左三天槍橫。

上元天庭太微宮。昭昭列象布蒼穹。端門只是門之中。
左右執法門。西東門左皂衣一謁者。以次卽是烏三公。三黑九卿公背旁。五黑諸侯西志無。卿後行四箇門。西主軒屏。五帝內座於中正。幸臣太子并從官。烏列帝後從東定。郎將虎賁居左右。常陳西三郎位西十星。居其後常陳七星不相誤。郎位陳東一十五兩面宮。垣十星布左右。執法是其數。宮外明堂布政宮。三箇靈臺侯雲雨。少微四星西南隅。長垣雙雙微。西居北門西。外接三台與垣相對無兵災。

下元一宮名天市。兩扇垣墻二十二。當門六角黑市樓。

高厚家求

步天歌

五

西名肆樓三星門左兩星是車肆。兩箇宗正四宗人宗星一

雙亦依次帛度兩星屠肆四名前。候星還在帝坐邊。

帝坐一星常光明。四箇微茫宦者星。以次兩星名列

肆斗斛帝前依其次。斗是五星斛是四垣北九箇貫

索星。索口橫者七公成。天紀恰似七公形。數者分明

多兩星。紀北三星各女牀。此坐還依織女旁。三元之

象無相侵。二十八宿隨其陰。補十一國歌河中河間晉

鄭周秦連巴蜀。細搜求十一星屬。十一國梁楚韓邦

在盡頭。魏趙九河與中山。齊越吳徐東海間。燕連南

海盡屬宋。請君熟記有何難。

東方七宿 **角** 兩星南北正直著。中有平道上天田。總

是黑星兩相連。別有一烏名進賢。平道右畔獨淵然。

最上三星周鼎形。角下天門左平星。雙雙橫於庫樓

星。西九上庫樓十星屈曲明。樓中五柱。西十四星十五星三

三相著如鼎形。其中四星別名衡南門。樓外兩星橫

亢 **四** 恰如彎弓狀。大角一星直上明折威。西志無

七子亢下橫大角左右。攝提星三三相。相似如鼎形。折

威下左頓頰星。兩箇斜安。黃色精。頰下二星號陽門。

色若頓頰直下。躔 **氏** 四星似斗。側量米。天乳 **氏** 上

黑一星。世人不識。稱無名。一箇招搖。梗河上。梗河橫

高厚蒙求

步天歌

六

列三星狀帝席。西志無。三黑河之西。亢池。西四六星近

攝提。氏下眾星。騎官出騎官。西七之眾二十七。三三

相連十欠。一陣車。氏下騎官次騎官。下三車。騎位天

輻兩星立陣旁。將軍陣裏振威霜。房四星直下主

明堂。鍵閉一黃斜向上。鈎鈴兩箇近其旁。爵有三星

植。鍵上兩咸夾。爵似房狀。房下一星號爲日。從官兩

箇日下出。心三星中央色最深。下有積卒共十二

星。西二。三三相聚。心下是。尾九星如鈎。蒼龍尾。下頭

五點號龜星。尾上天江。四橫是。尾東一箇名傳說。傳

說東畔一魚子尾。西一室是神宮。所以列在后妃中。

箕四星形狀如簸箕。天舌二星箕口是箕下三星。名木杵。箕前一黑是糠皮。明則歲豐暗爲飢。

北方七宿。牙六星其狀似北斗。魁上建星六相守天。

弁建上三三九斗下鳳安十四星。雖然名鼈西志十三星。

貫索形。天鷄建背雙黑星。天籥西志無柄前八黃精狗。

國四方鷄。下生天淵十星。鼈東邊更有兩狗斗魁前。

丈人西志無一星狗下眠。大淵十黃狗色立。牛六星。

近在河岸。頭上雖然有兩角。腹下從來欠一脚。牛。

下九黑是天田西志無。田下三三九坎西志四星連牛上直。

建三河鼓。鼓上三星號織女。左旗右旗西志八星各九星。

高厚象求

步天歌

河鼓兩畔右邊明更有四星名天桴西志二星。河鼓直下。

如連珠。羅堰西志二星三烏牛東居。漸臺四星似口形。輦。

道東足連五丁。輦道漸臺在河澗。欲得見時近織女。

女四星如箕主嫁娶。十二諸國西志十三星在下陳。先。

從趙國向東論。東西兩周次二秦雍州南下雙雁門。

代國向西二晉伸韓魏一齊晉北輪楚之一國魏西。

屯楚城南畔獨燕軍。燕西一郡是齊隣。齊北兩邑平。

原君欲知鄭在越下存。十六黃星細區分。五箇離珠。

西志無女上星敗瓜珠上瓠瓜生。兩箇各五瓠瓜。明天。

津九箇彈弓形。兩星八牛河中橫。西箇奚仲天津上。

七箇仲側扶筐西志四星

虛上下各一如連珠命祿

危西志四星非虛上呈虛危之下哭泣星哭泣雙雙下壘

城西志五星天壘團圓十三星敗白西志四星城下橫日

西三箇離瑜西志二星**危**三星不直舊先知危上五

黑號人西志四星星人畔三四杵西志一星曰三星形人上七

烏號車府上天鈎西志六星九黃晶鈎上五鴟字造父

危下四星號墳墓墓下四星斜虛梁十箇天錢西志九星

梁下黃墓傍兩星能蓋屋身著黑衣危下宿**室**兩

星上有離宮出遠室三雙有六星下頭六箇雷電形

壘壁陣次十二星十二兩頭大似升陣下分布羽林

高厚象求

步天歌

六

軍西志二星四十五卒三為羣東西兩下多難論子細

歷歷看區分三粒黃金名鉄鉞一顆真珠北落門門

東八魁九箇子門西一宿天綱是電傍兩黑上公吏

西志一星騰蛇西志八星室上二十二**壁**兩星下頭是霹

靄霹靄五星橫著行雲雨次之口四方壁上天廡西志

三十圓黃鉄鑽五星羽林旁土公兩星壁下藏

西方七宿

奎腰細頭尖似破鞋一十六星遠鞋生外

屏七烏奎下橫屏下七星天溷西志四星司空左畔土

之精奎上一宿軍南門河中六箇閣道形附路一星

道旁明五箇吐花王良星良星近上一策名天策天

瀾與外屏一十五星皆不明。〔婁〕三星不勻近一頭。

左更右更烏夾婁。天倉六箇婁下頭。天庾三星倉東

脚。婁上十一將軍侯。〔胃〕三星鼎足河之次。天廩胃

下斜四星。天囷十三如乙形。河中八星名大陵。陵北

九箇天船名。陵中積尸一箇星。積水船中一黑精。

〔昴〕七星一聚實不少。阿西月東各一星。月下五黃天

陰名。陰下六烏芻藁營。營南十六天苑形。河裏六星

名卷舌。舌中黑點天讒星。礪石舌傍斜四丁。〔畢〕恰

似了义八星出。附耳畢股一星光。天街兩星畢背旁。

天節耳下八烏幢。畢上橫列六諸王。王下四皂天高

高厚蒙求

步天歌

七

星節下圍圓九州城。畢口斜對五車口。車有三柱任

縱橫。車中五箇天潢精。潢畔咸池西志無三黑星。天關

一星車脚邊。參旗九箇參車間。旗下直建九旂西志八星

連。旂下十三烏天園。九旂天園參脚邊。〔觜〕三星相

近作參。參背上坐旗。直指天尊卑之位。九相連。司怪

曲立坐旗邊。四鷗大近井鉞前。〔參〕總有十星。背相

侵。兩肩雙足三爲心。伐有三星足裏深。玉井四星右

足陰。屏星兩扇井南襟。軍井四星屏上吟。右足下四

天廁臨。廁了一物天尿沉。

南方七宿 〔井〕八星橫列河中淨。一星名鉞井邊安。兩

河各三南北正。天樽三星井上頭。樽上橫列五諸侯。侯上北河西積水。西志無欲覓積薪東畔是。鉞下四星

名水府。水位東邊四星序。四瀆橫列南河裏。南河下頭是軍市。軍市西志團圓十三星。中有一箇野鷄精。

孫子丈人市。下列各立兩星從東說。闕丘二箇南河東。其下一狼光蒙茸。左畔九箇彎弧弓。一矢擬射頑

狼胷。有箇老人南極中。春秋出入壽無窮。鬼四星開方似木櫃。中央白者積尸氣。鬼上四星是耀位。天

狗七星鬼下是。外厨六間柳星次。天社六箇弧東倚。社東一星是天紀。柳八星曲頭垂似柳。近上三星

高厚蒙求

步天歌

三

號爲酒。享燕大脯五星守。星七星如鈎柳下生星

上十七軒轅形。軒轅東頭四內平。平下三箇各天相。相下稷西志無星橫五靈。張六星似軫在星旁。張下

只是有天席。十四之星開四方。長垣少微雖向上。星數歌在太微旁。天尊一星直上黃。翼二十二星大

難識。上五下五橫著行。中心六箇恰如張。更有六星在何許。三三相連張畔。附必若不能分處所。更請向

前看野取。五箇黑星翼下頭。欲知名字是東甌。軫四星似張翼相近。中央一箇長沙子。左轄右轄附兩

星。軍門西志無兩黃近翼是。門西四箇土司空。西志門

東七烏青丘子。西志青丘之下名器府。西志器府之
星三十二。以上便爲太微宮。黃道向上看取是。

經天該。此爲西歌。

中元。垣高先論極出地北向須尋不動處欲知真極
本無星。列宿皆旋斯獨異。近極小星強名極。后宮庶
子遙相類。帝星最明。太子次連極。五星作斜勢。帝下
陰德橫。兩烏極下四輔承。四細勾。陳七星中甚明。離
極三度認最易。勾陳柄曲勾更曲。勾內微星天皇帝。
太子。上有無名星。下方左樞少宰備。上宰少弼與上
弼。少衛上衛連少丞。其中五位皆朗朗。上下衛丞弼。

高厚蒙求

步天歌

三

次明。右邊右樞與左對。太乙天乙頭微精。少尉上輔
次少輔。上衛少衛其上丞。左弼之內五尙書。一微一
顯三潛形。尙書之後小明二。左柱右女皆史稱。上少
丞間曰華蓋。四黑兩兩遮北門。弼外六星各天棊。其
曲似斗雜氣星。扶筐四星三畧暗。天厨五星長方形。
二巨三小近少弼。後有一顆無能名。六星仰承各天
鉤。迤北第三光獨熒。河中六星各造父。三暗三微錯
雜陳。三偶纍纍曰王良。尖角一珠微遙明。良旁一顆
名爲策。策後八星閣道稱。三闇下連奎宿脚。二巨三
細與策親。附路一顆王良下。適當壁宿土端停。王良

策星并閣道內有五箇光耀均。五顆四在河虛處。一條閣道穿河身閣道。盡處名傳舍。八星隱現斜直形。右下七星名北斗。天槍三星斗柄親。三公三點與槍類。斗柄之傍隱輔星。天理四星斗內隱。三師小星少輔隣。文昌六星如半月。東角下星光更清。師昌之間名內塔。六星微茫兩簇分。八穀九星一最著。已盡紫微垣內星。

上元 北斗四星南向軫。翼軫之北太微垣。垣中最鉅五帝座。座旁小星四點攢。座前四黑內屏遶。座後三小橫斜安。正中稍明爲太子。右後幸臣左從官。謁者

高厚蒙求

經天該

三

一黑在屏左。九卿三點三公三。座隅數點各郎位。一簇連輝珠入綿。郎將微星位之左。更與周鼎三小連。位上常陳三可見。二微在上一巨懸。三公三小與下應。相亦同之斗柄前。座北一點太陽守太尊。天牢守右邊。左垣執法上次相。次上將星五位聯。右垣執法上次將。次上相星亦復然。虎賁一星右垣末。少微曲四虎西肩。長垣亦四曲且暗。上與少微相後先。三點靈臺一稍白。正當右將長垣間。右前三小稱明堂。左外一小名進賢。靈明之際一珠曉。微茫可見難明言。下元 房星箕尾宿之北。天市各垣列兩行。中有明星

稱帝座。候星一位在其旁。階下四微名宦者。宗正雙星俱並光。一顆無名宗之類。宗人四小入天潢。前一細名車肆。肆樓二小逼河上。後左連二名帛度屠市連珠共帛長。宗星二小在帛左。下與東齊相頡頏。列肆二星右垣內。斗五斛四皆微茫。左垣之星首稱宋。南海與燕爲雁行。東海徐州吳越齊。中山九河趙魏疆。右垣之星首稱韓。楚梁巴蜀秦周鄉。鄭晉河間與河中。星體微異光皆揚。右上八圍名貫索。索上七公首射芒。左北曲九稱天紀。紀上三星號女牀。中山之顛名織女。一巨二細三隅張。其左四黑是輦道。道

高厚蒙求

經天該

三

前四顆漸臺方

東方七宿

角宿兩星南最巨。中間平道黑星二。左

右九點無名星。天田二小角上對。其頂正向搖光星。角下天門兩黑星。屏星兩白不甚平。庫樓七星展屏似。屏內五小名平衡。屏間六小作三柱。樓下馬腹三星明。南門小星當腹處。亢宿四星兩端黑。左邊無名附兩粒。亢下大角懸明珠。角下懸戈與斗直。懸戈斜對梗河三。惟有南星光欲滴。角東四星左攝提。垂下一星芒熠熠。角西四星右攝提。迤北第三獨異色。角下四小曰亢池。形如方勝歛斜立。亢下遙遙此

頓頑四星微遜陽門白庫樓東角右來侵南門最明近南極。

氏宿四星側斗形無名五點雜來侵上與七公明耀對類公北有招搖星兩星上與元戈友

下左復與貫索侵索外無名多疊疊直下正當天市

秦氏下三小陣車是天輻亦與車同輪平三平二皆車騎一明二暗騎將軍

房諺傳夏夜有星象儼如巨人冠進賢口鼻四星卽房宿二三頗明下闇然當

頭一點鉤鈴是鈴畔一微鍵閉言頭上雙星近者日

冠前曲四是西咸冲冠三闇稱爲伐冠後四星各東

咸當腹兩點積卒是稍前相似名從官 **心**更有心

高厚蒙求

經天該

話

三最明顯中巨旁微當背肩 **尾**接心是尾九點曲

卓如衣角飄風前神宮一星尾內坐傳說獨立尾之

尖天江六點當河隙魚星一黑浮江邊龜星有五三

畧見西去三星河外緣巨人側身向西北其上正當天市垣

箕箕星有四明相等大口如箕正向西當前一點糠星黑何年簸向河之湄

北方七宿 **斗**箕北六星名斗宿北斗相方柄不如斗

下曲圍十三點形肖其名鼈似龜天淵四微鼈所向

狗國小方淵上圍國外雙鳥名曰狗其旁相似立天

鷄斗背六星稱作建下五微星若仰孟河中九點天

弁斜兩簷中高若髻堆。

牛牛宿六星大小半一巨

居中上下齊。牛上三星是河鼓。中間一巨三之魁。鼓下四星天桴。臥鼓傍各柱左右旗。左旗曲七星皆小。右旗亦七三揚輝。牛前二小名羅堰。堰上匏瓜四粒。珠匏下五星名敗瓜。一粒等匏餘並微。天津如弓跨河七。二明四小一更歛。天津之下十三小。總屬無名不必疑。**女**女宿三微一稍白。非方非斜形不侔。右方數起趙與越。周楚鄭齊燕一流。並楚爲秦并周代。鄭星方在魏之頭。魏韓相並望齊楚。十星皆晦此舒。眸下爲九坎四可見。平衡三白微難求。離瑜三點均

高厚蒙求

經天該

壹

且直坎下四微散不收。

虛虛宿兩星南最明。南下

圍三天壘城。城下四方壁壘陣。五顆獨有四顆親。壁

陣東行十三點。彼端亦作小方形。陣頭之下天錢遠。

稀微四點圓難成。錢下二箇名敗白。曰下雙珠莫可

名。虛東一小各司命。司危司非虛上承。人星只有三

星確。六星車府射天津。府上騰蛇六圍一。兩尾八星

遙對分。**危**危宿三星若磬折。中間一點光微奪。危

上微光蓋屋名。屋西三星墳墓接。三箇晦明各自異。

四小虛梁墓左貼。墓下雙鳥哭泣啼。一同土公墳後

歇。十二橫遮壘壁南。羽林軍士縱橫列。軍前統御有

天綱北落師門光更烈危端白杵四星懸其南敗白半邊缺。

室室宿兩箇光耀同無名一箇頂上冲室傍雙星共三座。或小或大皆離宮。雷電六星惟右大霹靂曲五半朦朧雲兩平方四點小。缺鉞三小羽林軍上頭直與騰蛇接。其下復與火馬逢。

壁壁宿二明與室似。其上三星圍天廐。廐上一顆附路稱其中正與王良對陣上雙鳥有上公火馬十星兩翼細。

西方七宿 **奎**奎宿十六連勝形。東北一星芒獨異奎尖上與閣道通。奎下七星外屏樹。屏間五點不甚明。兩箇揚輝屏盡處。六箇天倉遶曲屏。天溷二黑倉右

高厚象求

經天該

三

附溷下一名土司空。鉄鑽五小倉前地。水委三星南

極橫。其左一星最明巨。**婁**婁三不均光甚均。上疎

下密雜星臨。右更左更各五點。並若懸弧兩翼分。當頭數點懸弧似。其名總曰大將軍。弧中一派光珠顯。

孤半一黑軍南門。天庾三點天倉下。芻藁六星左獨明。**胃**胃宿三星聚一隅。無名兩點胃之餘。胃下左

更四點小。更西天廩四星除。天囷十三圍一狀。右下

三星光頗殊。曲環十六當天苑。北顯南微正背西。更有天圍寸三點。東增五小勢尤奇。大陵遠八中更朗。

當陵之中名積尸。天船十七與陵背船中積水看欲

無。[昴]昴宿七星。天讒下亂落圓珠一簇奇。其上六箇名卷舌。天讒一點舌尖居。天阿點附天陰上。天陰五星皆隱微。昴東孤月光如晦。礪石四小拱舌疲。廩園積朱堪飽胃。讒阿西去致橫屍。[畢]畢宿八星如小網。左角一珠光獨朗。珠邊一顆名附耳。天節九小畢居上。九州殊域畢之南。團圓七點依稀像。畢上天街三箇斜。街上五車截河往。五車皆明左右巨。天潢五星小中放。潢傍三柱柱各三。河中細密如指掌。車下橫六名諸王。天高四小斜方狀。下垂九點曰參旗。旗下九旂與旗仿。[觜]觜宿三小當參上。觜上天關。

高厚象求

經天該

毛

一顆招司怪。四星明晦半水府。相同莫混。[參]參宿七星。明燭宵。兩肩兩足三爲腰。參伐下垂三四點。玉井四星右足交。玉井下方曰軍井。屏星二點井南。標四顆。厠星屏左立。尿星一點。厠下拋。丈人子孫各連二。老人最巨。南望遙。

南方七宿

[井]井宿八星形似井。座旗六黑垂其頂。旗

東五小皆無名。貼旗直下四星整。左斜五點五諸侯。其上北河兩明並。河上一顆名積水。河左斜方耀星。命河下一微名積薪。南河似與北河證。水位四小若仰孟。上下數顆難考訂。井下四星名四瀆。闕丘之二。

與河映天狼最巨當其南一矢加弧一矢剝軍市一
白野鷄旁老人獨向天南炳弧矢九星儼張弧內外
無名難究竟。鬼宿四星方似櫃中間一白積尸
氣其下五小爲外厨五隅五小居其內。柳宿曲

入如拳。其上無名三點繫酒旗斜三宿上飄其上

翔與文昌對天狗盤七當其南天社七橫星頗巨

星宿十星大小異中間一巨首尾細垂頭曲尾如

蟻形其上一白名天記記下天積五箇星南隅一顆

與記類張宿六星芒甚小中如方勝兩角弔軒

轅大星當其顛一十五龍天橋小方內屏轅上居

高厚蒙水

經入該

天

下御女一。宿端天宿有三星向右一顆光頗

三台三座上猶明相與雁行行大道台北二小名

天。太尊半左照翼宿微星二十二上橫

五星下。異東甌五小在其南青丘三箇翼下寄丘

南馬尾橫三星。端一箇尤明巨。軫宿四珠不

等方長沙一黑中間藏左右二轄肩之附一顆無名

南向光

補南極星歌

南極諸星中未志壁奎之下鳥喙是鳥

喙朗朗七星明其上卽是鶴十二喙東十八孔雀星

異鵲十二近南極孔雀之上卽波斯三角形上房星

次蜜蜂四星三角東軫翼盡頭架十字小斗九星南
船南南船五星海州識南船左右十一星海石五星
海山六附白夾白黃極邊次白三星附白金魚五
尾七飛魚蛇首蛇腹星各四欲知蛇尾又七星上邊
卽是婁奎壁此星原非見界星利氏西來始能述經
天該中亦未言今據歷書爲補是

前人每刻星經恒列星圖於其首雖便參觀實亦
書卷中飾觀也蓋星座有廣狹垣宿有參差必齊
以不齊而縮入書卷則星位星形自難與天體相
印合茲輯專爲初學識星起見故另刻全圖附於
書外懸諸座間亦未嘗不便參觀爾

高厚蒙求

經天該

五

三垣二十八宿經星占 星數悉照古歌

中元

北極五星明大則吉變動有憂 四輔爲輔臣

之位所以佐贊萬幾出度授政者也小而明吉大及

芒角主臣逼君暗則官不理 天乙主戰鬪知人吉

凶 太乙主知風雨水旱兵饑疾疫與天乙皆宜明

而有光 東西藩十五星明大有常則內輔盛若直

而明主天子將兵開則兵起兩藩正南名閭闔門若

有流星自門而出當有中使銜命視其所適之分野

以爲占 陰德主周急賑恤不宜明明則新君踐祚

隋志分其一爲陽德

尙書主納言大臣之象。占同四輔。柱

下史主左右。記君過。明則史直辭。女史婦官之微。

主記宮中之事。占同柱史。御女八十一。御妻之象。

主侍帝宴寢。明則多內寵。天柱主五行晦朔晝夜

之職。明正則人民吉。否則司歷有過。大理主決獄

之官。明則刑憲平。否則多冤酷。勾陳大帝之正妃

又卽大帝所居之宮。又爲將軍之象。宜明。天皇大

帝主御羣靈。秉萬機。宜隱而不見。見則災。六甲明

則陰陽和暗則寒暑易節。五帝內座所以備宸居

明正則吉。變動則凶。客星犯主大臣犯主。華蓋并

高厚蒙求

經星主占

辛

杠所以覆大帝之座。明正則吉。傳舍爲近河驛亭。

客星守主有彘使。防兵起。內階爲天皇升降之階。

宜明正而靜。天厨主天子百官之膳。不見有凶。

入穀一稻二黍三大麥四小麥五大豆六小豆七粟

八麻子。宜均明。一星不見則一穀不登。天棊爲天

子先驅禦難。不明則國兵起。天牀爲天子寢息之

處。內厨爲后妃太子飲食之府。文昌一上將主

建威武。二次將主正左右。三貴相主理文緒。四司祿

主賞功進爵。五司命主滅咎。六司寇主佐理寶。宜光

明黃潤。小大相均。若青黑細微多害。搖動移徙三公

有憂。或后崩。金火守入主兵興。等。李犯國亂。三公
爲太尉。司空。司徒。主變理陰陽。弼君機務。宜居常不
宜移徙。若金火守三公有凶。太尊貴戚也不見有
凶。天牢爲貴人之牢。主愆過禁暴淫。明大爲凶。占
同貫索。太陽守爲大將大臣。主設武備。戒不虞。明
吉暗凶。失其常兵起。移徙大臣誅。勢爲刑餘之人
而用事者。明主闔宦擅權。相爲天子丞相。宜明。
元戈芒角大動。主四夷兵起。占與梗河畧同。天理。
明及搖動。皆主貴人下獄。北斗七星爲七政樞機。
陰陽元本。天樞主天。主陽德。天子之象。若有變必天

高厚蒙求

經星主占

三

子不恭宗廟。不敬神天。二曰天璇。主地。主陰刑。女主
之位。若有變必天子廣營宮室。安鑿山陵。三曰天璣。
主火。主禍害。若有變必驟興征役。不愛人民。四曰權。
主水。主天理。主伐無道。若有變必號令不明。征伐不
順。五曰玉衡。主土。主中央。主殺有罪。變色不明。必天
子務淫聲而廢正樂。璇爲法星。故主陰刑。璣爲令星。
故主伐無道。殺星。六曰闔陽。主木。主天倉五穀。若有變必不
勸農桑。不務稼穡。退賢傷政。竣法濫刑。七曰搖光。主
金。主兵。若有變必不撫四方。不安夷夏。凡日月暈連
環及斗與星有搖動。皆主兵占。斗旁小星欲多。多則

天下安斗內小星不宜多。多則萬民多怨。一曰斗中散人至五曜客星皆不宜守入。彗孛爲尤甚。輔所

以佐斗成功者。若輔明斗不明。主主弱臣強。斗明輔

不明。主主強臣弱。

上元 太微垣十星爲天子之宮庭。十二諸侯之府。東

潛西藩各四星亦爲四輔。凡芒及動搖皆主諸侯謀

天子左右二執法御史大夫之象。主舉刺凶奸。若有

移徙主刑罰。竣急凡月及五星入太微軌道吉。謁

者主贊賓客。若不見外國不賓服。三公爲帝座輔

弼。九卿輔帝以治萬事。占與天紀同。內五諸侯

星厚蒙求

經星主占

三

爲天子畿內之諸侯。辟雍禮得則太微之諸侯明。

屏爲帝庭擁蔽。主執法刺舉。明潤而大則君臣有禮。

五帝座中一星曰黃帝內座。天子動得天度。止得

地意則明而光。若不明。亟宜求賢以輔治。青黑凶。東

一星。蒼帝靈威仰之神。南一星。赤帝赤熛怒之神。西

一星。白帝白招矩之神。北一星。黑帝叶光紀之神。五

星同明而光。則天下歸心。若金火水順入太微軌道

則伺其所出之分。爲天子所誅。幸臣爲天子親愛

之臣。一曰太子之侍臣。宜細而微。明則幸臣用事。

太子明潤則嗣君有德。金火守入。卽不廢必有篡逆。

之事。從官不見。天子不安。郎將主武備。大明芒角。主將怒不可當。虎賁主侍從之武臣。占與車騎同。常陳爲天子宿衛。虎賁之士。主備強禦。明則兵強。暗則兵弱。若搖動則天子自由。郎位主守衛。宜大小相均。光潤有常。大明主臣劫主。客犯及星不具。后崩。幸臣誅。客入。大臣爲亂。明堂爲布政之宮。明吉。暗凶。靈臺主觀雲物。察符瑞。候災變。占與司怪同。三台三公之位。上台爲司命主壽。中台爲司中。主宗室。下台爲司祿主兵。皆太乙躡以上下之階。亦名泰階。上階之上星爲天子。下星爲女主。中階之上

高厚蒙求

經星主占

三

星爲諸侯三公。下星爲卿大夫。下階之上星爲士。下星爲庶人。若有變。各以所主占之。凡金火守入。主兵起。彗孛尤甚。如君臣和集。法令均平。則泰階行列相等。而色齊明。

下元。天市垣二十二星。國市也。爲衆民交易之所。主權衡。主聚衆。主斬戮之事。宜潤澤光明。左右環曲。各主其國。以爲占。市中星衆。則歲實熒惑。守主戮不忠之臣。若怒角守之者。臣殺其主。彗主徙市易。都客主兵起。五星入市門。亦主兵。市樓主市價交易。其陽爲金錢。其陰爲珠玉。有變。各以所主占之。星宜明。暗

則市吏不理事。車肆主車駕又主眾賈之區。若不
明則國車盡行。宗正小宗之象。明則宗室有秩。彗
守及失色。主宗室有事。客守主天子親屬有變。或貴
人死。宗人大宗之象。主享祀如綺文而明。主族人
有序。宗室宗室之象。帝輔血脈之臣。客守主宗人
不利。帛度主度量交易。明則尺量平。商人不欺。
屠肆主屠宰。明則多宰殺。候主伺陰陽。明大則四
夷開侯。居常而微細則國安。亡則主失位。移則主不
安。帝坐帝王位也。宜光潤不宜微暗。宦者帝傍
闈人也。微吉明凶失常則宦人有憂。占與勢同。列

高厚象求

經星主占

論

肆主寶玉之貨。移徙則列肆不安。火守入兵大起。
斗主平量覆則歲熟。仰則飢。明暗占同帛度。斛占
與斗同。貫索一曰天牢。又爲賤人之牢。主法律。禁
暴強。門口宜開。閉則牢中多死。九星皆明則天下獄
煩。祇見七星小赦。祇見五星大赦。其占當以午子之
夜候之一說。一星芒有喜事。二星芒賜爵祿。三星芒
主有放水犯則災。火犯米貴。中無小星。天下獄平。星
入河中。人將相食。七三公之象。齊正則國法平。
否則多冤酷。星入河主米貴。金守或火犯皆主兵起。
天紀九卿也。主萬事之紀而理冤獄。齊明則法紀

正亡則綱紀壞。與貫索連。主地震山崩。女林主後。

宮明則官人恣肆。常則无咎。

東方七宿

角

主造化萬物。布君威信。黃道經其中。七

曜之所行也。明則太平。凡芒動或日食。右角皆主國

不寧。月食左角。天下道斷。金火犯主。戰敵。金守大將

持政。南左角北有角之中。爲天關。日月五星皆從此

行。南二度爲陽道。畢北二度爲陰道。水木守之主。赦

天守忠臣。誅兵起。或火星環遶。勾己者。國大饑。土守

主內有喜。而國有爭。金守兵盛。水守刑罰急。及有水

災。客星彗孛入。兵起大喪。軍敗城陷。若客守至四十

高厚蒙求

經星主占

三

五日主旱蝗。

平道天子入達之衢。明正則吉。動搖

則法駕有虞。

天田主王畿。金守主兵火。守主旱。水

守主潦。

進賢主卿相進逸才。明則賢者在位。暗則

在野。

周鼎國之神器也。明則國安。不見或移。徙則

運祚不寧。

天門爲朝聘待客之所。明則四方歸化。

不見兵革起。

斜佞生。平星主平天下之法。獄。廷尉

之象也。

庫樓兵車之府。庫中星隱。主臣謀上。明而

動搖。則兵出。盡不見。則國無君。

柱十五星。三三而

聚。衡主陳兵。

陽門主邊塞險阻之地。客星出。主

夷狄犯邊。

南門主守兵。明則遠方入貢。暗則夷狄

畔。客守主兵至。

元日月之中道。主攝天下之奏事。

聽訟理獄錄功。明大則四海歸王。輔臣納忠人無疾。

疫。移動疫行不見則天下旱澇。日月蝕亢國中有事。

木守有赦年豐。若久守或與水火同守。主人死。火守

多雨及兵水守大水。土守萬物不成。金守道不通。彗

孛犯兵起。大臣作亂。大角星爲帝座。梁棟金守兵

起。日月食王者凶。折威士斬殺金火守。夷狄犯邊。

將有棄市者。攝提爲夾擁帝座之盾。直斗杓所指。

主建時節同機祥。又主九卿。明大則三公恣橫。客星

入聖人受制。頓頰主考囚以察情僞。陽門主邊

高厚蒙求

經星主占

五

塞險阻之地。客出陽門則夷狄犯邊。氐爲天子之

路寢。明則大臣后妃不失節。動主有徭役靜而大則

民無勞不見則臣謀內而禍亂生。日月食內亂。木犯

立后如火犯臣僭上。一說作大久守有赦。火星入賊

臣爲亂。金守主兵起。犯主拜將水。或入或犯皆主大

臣百官憂守則大水。土守主立太子。久守兵起。彗孛

入後宮有異及暴兵起。客星犯婚禮不整。月暈人不

安。天乳主雨露。明潤則甘露降。招搖主邊兵。芒

角變色搖動。主兵革起。梗河主備不虞。變動則有

兵喪。帝席爲天子宴樂之所。不見則大臣失位。

亢池主汎舟迎送微暗主水移徙有凶騎官為天
宇宿衛騎士星衆則天下安星少及五星守主兵起

車騎主總領車騎金火犯有災動搖主車騎行

天輻主鑿駕客守則輦轂有憂騎陣將軍主騎將

動搖則騎將出房為天子布政之宮亦曰天駟主

車駕又主開閉又為蓄藏之所其中間為天衢亦稱

天闕黃道之所經其南亦曰陽道北亦曰陰道凡七

曜由天衢則天下和平由陽道主旱及喪由陰道主

水及兵均明則王者明而天下太平星大則兵起星

離則人流日月食主權臣恣橫木守天子有令德火

高厚蒙求

經星主占

卷

守兵起土守主地動金守主陪臣脇君有土功彗孛

犯則兵起國危常以三月侯房若日月出表南主大

旱喪出表北主陰雨而兵鉤鈐王者孝則明近房

則天下同心遠房則天下不和鍵閉主閉藏宜暗

明則內亂門扉不禁東咸西咸主治淫佚明吉暗

凶日月五星犯守主有陰謀火守主兵起罰主受

金贖罪正而直刻則法令平曲則刑罰不中日太

陽之精主明德金守犯有憂從官主醫巫天輻

主乘輿心一各大火為明堂中為大辰為天王明

則天子有德化成道昌前星為太子不明主太子不

得位。後星爲庶子。明則庶子嗣統。星不宜直。直則天子有憂。若移徙不見主。國亡。一說心色黑。主大臣憂。直則主失勢。動則國有憂。離則民流。金火犯主。血光。木或守或犯。及日月食皆吉。月暈兵起。火守主地。動國無主。金守兵起。蟲災。水犯有水。客守犯旱。孛犯天下兵荒。積孛五營軍市也。明大動搖。主有兵。五星守主兵起。大臣誅。**尾**上第一星后也。次三星夫人。次九嬪。次嬪妾。亦爲九子星。均明大小相承。則后妃無妒忌。後宮有敘。多子孫。微細而暗。后有憂疾。疎遠則后失勢。動移則君臣不和。天下亂。木守立太子守。

高厚象求

經星主占

三

至三十日。后族逆。兵木犯及月暈。后妃死。金火守。宮中內亂。火水合守箕尾間。有赦土守旱。及宮有廢。黜入則兵起。大將出征。水守江河決。犯則宮中有事。客入人相食。犯則大臣誅。日月食貴人刑。神宮解衣之內室。龜主定吉凶。明則君臣和。亡則赤地千里。火守主旱。滂兵起。守在外則兵罷。天江不欲明。明而動水暴出。參差馬貴。星不具。天下津梁道不通。熒惑守有立主。客入河津絕。傳說主後宮女巫祈禱子孕。明大則王者多子孫。動搖則後宮不安。魚主知雲雨之期。明則陰陽和風雨時。暗則損魚動搖。

大水暴至。出漢中大魚多死。火守其南。主旱守北。主水。箕爲后妃後宮之位。主入風。凡日月宿在箕東。壁翼軫者。皆主風起。又主日舌。又主蠻夷胡貊。大明而直。則五穀熟。君無讒間。踈暗則世亂。無君。五穀貴。蠻夷不服。細微就聚。則天下憂。動則蠻夷有使來。離徙則人流。移入河。及客守皆災。人相食。月暈及金火犯兵起。流星犯大臣。叛水守大臣憂。梓縱則豐橫。則饑。移徙人失業。不見人相食。客入則天下有急變。動則人失釜瓶。糠。豐暗饑。不見人相食。

北方七宿

斗爲丞相太宰之位。酌量政治。褒進賢良。

高厚蒙求

經星主占

三

稟授爵祿。又主兵。又爲壽命之期。明則王道和平。若角動。搖國失忠臣。及兵起。移徙有逐臣。日月五星逆入斗。天下流蕩。宇犯兵起。小而暗。宰相廢死。木犯吳。越有福。逆入魁中。大臣逆。久守主水。大饑。火守有內。變兵起。相亡。日蝕帝惡。月蝕后惡。鼈爲太陰。火守則早。建動。搖則人勞。月暈則蛟龍見。牛馬疫。月蝕五星犯守。大臣相讎。臣謀主關梁不通。有大水。天弁市官之長。主列肆闖闖。明則吉。彗犯糶貴兵起。天鷄主候時。金火守入。兵大起。天籥主鎖籥關閉。明吉暗凶。狗國主鮮卑烏丸沃沮。明則邊寇作。金

水犯守外夷有變。太白逆守國亂。客守犯有大盜。其
王且來。天淵主漑灌。又主海中魚鼈。火守旱。水守
水。狗主吠守禦姦。不居常處大災。農丈人主稼
穡。牛主犧牲。又主道路關梁南越。明大則關梁通。
王道昌曲則米貴。直則米平。不明失常。穀不登。細則
牛賤。中星移動則牛多殃。月暈損犢。金火犯兵災。水
土犯吉。星遠漢明大則牛貴。怒則馬貴。木守天下和
平。久守主水。主人凍死人謀。主火守老臣逆。牛貴人
相食。津梁不通。土守臣謀。主金守兵起。凡辰星常以
冬朝牽牛。若不朝。主明年穀不熟。大水客守兵起。彗

高厚蒙求

經星主占

罕

孛行牛中。吳越有自王者。彗出牛中。主更政。天田
主畿內之田。九坎主溝渠。道達泉源。宜暗。若明潤
有水災。及夷狄侵邊。五星守犯。皆主水溢。河鼓主
軍鼓及鈇鉞。中爲大將軍。左爲左將軍。右爲右將軍。
左星所以備關梁。設險阻而拒難者也。明大光潤。將
軍吉。動搖差度。亂兵起。直則將有功。曲則將失律。
左右旗天之旗鼓也。明潤則將軍吉。動搖兵起。怒則
馬貴。天桴不明。則刻漏失時。動搖相直。主用軍。
織女爲天女孫。主果祿絲綿珍寶。如王者孝女工善。
則三星俱明。若大角怒。角主布帛貴。暗而微。天下女

工廢不見兵起。不向扶筐。則絲帛貴。火守布帛貴。兵起。漸臺主刻漏律呂。輦道主天子嬉遊之道。金火守御路兵起。羅堰主隄塘壅蓄水源。漑灌田苗。大而明主大水。暗則吉。女爲須女。須者賤妾之稱。婦職之卑者也。主布帛裁制嫁娶。明則天下豐。女功。目暗則天下不足。庫藏空虛。移動則女多產厄。后妃廢。日月食。國憂。木守多水。女主有喜犯則立。后火犯。主女喪。守則布帛貴。人多死。金犯災。守則臣謀。主兵起。水守主水。萬物不成。土守犯損蠶。土守有女喪。彗。字犯兵起。月暈。婦人災。十二國星若有變動。流亡。

高厚蒙求

經星主占

聖

五星凌犯。則其國當咎。離珠須女之藏府也。移動則後宮亂。客犯後宮凶。瓠瓜主後宮。主果食。宜明不宜微。客守主魚鹽貴。敗瓜主種植。占同瓠瓜。星不具。或搖動。主有賊害人。天津主津梁。明而動。兵起人死。參差主馬貴。一星不備。關梁不通。三星不備。天下有覆陷。移亡水災。且有水賊。稱王。赤氣入。旱黃。白氣入。天子有令德。火守天下亂。奚仲古車正也。主東宮。金火守兵車必起。扶筐星主蠶桑。見則吉。不見則凶。虛主廟堂祭祀之事。明靜則天下安。動搖有死喪哭泣。日月食。兵起流。星犯。賊亂宗廟。五尾。

犯有災。欲邪上下不比。則饗祀失禮。木守昭穆失序。入饑。木土合守。民流亡。火守大旱。久守飢。土守多風。大旱。金守臣謀。主兵起。水守旱。客守若凌犯環遶。勾巳主國亂。彗孛犯流血如川。司命主舉過行罰。滅不祥。又主喪。司祿主爵祿。增年延德。故在六宗之祀。又主官。司危主危亡。司非主察愆過。凡此四司均不宜明。明大則災。哭主號哭。泣主死亡。明則國多哭泣。金火守亦然。天壘城主北夷匈奴。敗曰有星守之。饑及兵起。離瑜爲婦人之服。凡袿衣爲離。玉飾爲瑜。星微則后宮儉。明大則婦人奢。

高厚蒙求

經星主占

星

危主天府。主架屋。主宮室祭祀。動而暗。土功興。木守祀不敬。別造宮室。土守土功起而旱。張衡云。虛危主主死喪哭泣之事。火守兵起。南人多凶。久守東方大兵而饑。金守饑饉。兵起。一說金守則罷兵。將軍有喜。水守則下謀。土主水。凡日月五星犯。或月暈。卽有災。日月蝕。宮殿崩。大臣逆。日月五星入天下亂。來年大饑。彗孛犯兵起。人星主柔遠能邇。又主防淫。不見則官有詐僞。婦人凶。明則人安。杵主軍糧。正直下白吉。不相當糧絕。不直民饑。日主春日。覆饑仰豐。凡客入杵曰主天下聚米。車府主官車之府。金火

守兵車大動。天鉤主乘輦服飾法式宜明。直亂主地動。造府御官也。宜明不見馬大貴。虛梁主園陵寢廟非人所處。故曰虛梁。金火守入犯兵災大起。天錢主錢帛所聚之處。明則府藏盈。暗則虛耗。金火守兵盜起。葢屋爲宮室之官。主天子之所居。金守國中兵起。彗孛尤甚。室爲營室爲清廟。又爲軍糧之府及土功事。明則國昌動搖。兵起有土功小而暗。鬼神不享。國多疾疫。日蝕兵月蝕饑。離宮天子之六宮。主隱藏休息之所。金火守入則兵起。鉤已環遶左右逆行。妃后廢黜。或主崩后黨誅。木守于南東。

高厚蒙求

經星主占

星

有喜西米貴。火守旱。將凶。久守鉤已。主臣有弑篡。土守起土公。金守兵革散。久守兵滿野。水守水彗孛出。天下亂。國易政。雷電主與雷動蟄。明動則震雷作。壘壁陣羽林之垣壘也。星衆而明則安。希而動。兵革起不見。天下亂。五星入。兵起。金火水爲尤甚。羽林軍主翊衛星衆而明則安。希而動。兵革起不見。天下饑。暗兵盡失。金火水守入。兵起。釜鉞亦各斧鑕。主誅夷。暗則斧鑕不用。移動亂行。兵起有星入。大臣誅。北落師門主候兵明大而角。則軍安。微弱兵起。又主水。金火水守有兵災。有星守之。虜入塞。木土犯。

吉火守國殘。入魁爲張捕禽獸之官。客入盜賊兵起。五星守亦然。金火尤甚。天綱主武帳。天子游獵之所。金火守兵起。士功吏士功之官。動搖有修築事。騰蛇主水蟲。微則國安。明則不寧。移南大旱。移北大水。客守雨水災。水物不收。壁主文章。爲天下圖書之府。明則圖書集道術行。小人退。君子進。若失色大小不同。主天子重武賤文。圖書隱。回邪用。動則有土功。離徙就聚。爲田宅事。日月食。損賢臣。五星守犯兵起。及上功。日食。國不用賢。失文字。月蝕。文臣死。木守仕人用。火守兵起。而旱。臣謀君。土守道術興。天

高厚蒙求

經星主占

星

下熟火入中街。君崩相薨。土逆入大兵起。百姓有立王者。金守有兵。大臣憂水。客守主水。又主臣下賊。君書守犯兵起。霹靂主興雷奮擊。明而動雷電用事。雲雨明則多雨。水火守大旱。天廡天馬之廡。今之驛亭也。不見則天下道斷。鉄鎖主斬芻飼牛馬。明則牛馬肥。微暗則牛馬饑。弁主死喪。

西方七宿

奎

曰封豕主兵。又主溝瀆。西南大星曰天

冢目。亦曰大將。明則天下安。動則兵亂。形圓兵起。客星守入如之。金火守水災。角則政不平。角而動有兵。或有溝瀆事。一說奎中星明主水。日月蝕凶。五星犯

權臣擅命。光而燄。近臣謀上。并主饑金。守利伐北。東
火守水災。土守中國利。外國不利。外屏蔽天。溷占
同天圉。天溷天之厠也。不見或移徙。主人不安。
土司空主水土。明大而黃。天下安。客入多土功。及大
疫。軍南門動搖。則軍行不見則兵。閣道爲天子
遊別官之道。星不具輦道不通。動搖則宮掖兵起。
附路是備。閣道之敗傷而乘之者。占同閣道。王良
天子奉車御之官。其四星曰天駟。旁一曰王良。亦曰
天馬。動則爲策馬之象。故曰王良策馬。車騎滿野。又
主禦風雨。移則有兵。又主馬病。客守則橋梁不通。金

高厚蒙求

經星主占

四十五

火守主兵憂。策主天子僕御。移在馬前。或在馬後。
是爲策馬。☽爲天獄主。苑牧犧牲。供給郊祀。動搖

則聚衆。星直則有執主之命者。就聚國不安。金火守
日月食。主宮苑中兵亂。金木火土犯凶。水犯吉。李犯
兵起。月暈。兩軍各退。左更右更主山澤林藪。養牧
牛馬。金火守山澤有兵。兩更者秦爵名。其占同。天
倉倉穀所藏。黃而大歲熟。天庾積厨粟之所。天
將軍主武兵。中人星。天之將也。外小星。吏士也。大
星搖。及大星出。而小星不具。皆主兵。☱爲天倉。五
穀之府。明大五穀豐稔。天下和平。否則上下失位。動

則有輸運事。就聚則穀貴。人流暗則凶。荒五。星犯日月食。孛侵。並有憂災。天廩御廩也。主積蓄黍稷以供享祀。天囷主給御糧。明而黃則歲豐。微而變常則不吉。金火守災起。大陵主陵墓。明而大及中星多。則諸侯多死喪。民多疾而兵起。積尸在陵中。明而大則死人如山。傍星多如之。且防兵起。不見而暗。吉火守天下多哭泣。天船主渡。亦主水旱。若不在河。主津河不通。大水泛溢。中四星欲均。明則天下安。否則有兵喪。移徙亦然。客彗出入。主大水有兵。積水在船中。主候水災。昴爲天之耳目。主西方。主

高厚彙求

經星主占

哭

獄事。明則獄訟平。暗則刑濫。六星與大星等。主大水。又主喪。又主口舌。奏對。明大則君無佞臣。天下安。和。否則忠良受讒。黃則兵大起。動搖。主有大臣下獄。星大而動如跳躍。主狄兵大起。一星不見。主兵象而有憂。天阿主察山林妖變。月主女人災福。天陰主從天子弋獵之臣。而預陰謀。明則禁言漏洩。天苑天子之苑囿。主禽獸。明則牛馬羊多。希則死。藁藁主供牛馬之食。星盛則豐穰。不見牛馬暴死。火守有火災。卷舌主口語知佞邪。曲而靜則賢人用。否則讒人得志。移出漢外。則天下多妄言。旁星繁則死。

人多。天護主醫巫占同從官。礪石主磨礪。礪石

明則兵起。常則吉。命火及客守。主兵動。（畢）主邊兵

主弋獵。其大星曰天高。（天高別有一星見後）四夷之尉。明大則

天下安。遠夷來貢。失色則邊兵亂。一星亡。主兵喪。動

搖邊城。兵起有讒臣。離徙天下獄。亂就聚。法令酷。月

宿則多雨。甘氏云。畢為兩師。明而移動則霖潦。明而

定則天下安。日月食。邊兵凶。將衰。木犯有軍功。天

街主。伺候關梁。又主國界。街南為華。街北為夷。金火

守夷狄兵起。一曰土。守狄兵。人明則王道正。暗則兵

起。附耳主聽得失。伺愆邪。察不祥。星盛有盜賊。邊

高厚蒙求

經星主占

星

候警。外國反。鬪兵連年。移動則讒佞行。兵大起。邊尤

甚。入畢兵起。天節主。天使持節。宣威德於四方。明

吉。暗凶。諸王主蕃屏宗社。明則諸侯奉上。天下安。

不見宗社傾危。四方兵起。天高主。登高望氣。不見

則官失其守。陰陽不和。五車三柱。天子五兵車舍

也。西北大星曰天庫。主秦。東北曰天獄。主燕趙。東曰

天倉。主衛魯。東南曰司空。主楚。西南曰卿星。主魏五

車均明。柱皆見。則倉庫實。無兵災。不見則否。各以其

所主之國占之。凡三柱出外。米貴三倍。久出更不宜。或柱出不與天倉相近。主米穀運出千里。柱倒立尤

甚火入守。主旱金入守。兵起。水入主水。天潢主津。

渡之處。不見則河梁不通。月五星入兵起。咸池魚

圍也。金犯兵起。火守灾。不宜太明。天關日月五星

所行之道。主邊塞關閉。芒角主兵。五星守貴人多死。

移徙若與五車合。主大將軍披甲。參旗明而希。則

邊寇不動。又主司弓弩之張。候變禦難。九旂主邊

軍進退。金火守兵亂起。天圍植果菜之所。曲而鉤

則果菜熟。不然則否。觜明大則天下安。五穀熟。移

動則君臣失位。天下旱。隋志云。觜為三軍之候。行軍

之藏府主葆旅。收斂萬物。張衡云。葆旅。野生之可食

高厚蒙求

經星主占

異

者。明則軍儲盈。將得勢。動而明。盜賊羣行。葆旅起。動

移將有逐者。金火一作金木守。國易政。一作易注兵起灾生。日

食臣不忠。月食君害臣。五星犯灾生。孛客犯兵起。

座旗主別君臣尊卑之位。明則國有亂。暗則安。司

怪主候天地日月星辰禽獸蛇蟲草木之變。占與天

高畧同。參為忠良孝謹之子。明大則臣忠子孝。安

則吉。移動殺忠臣。又為白獸之體。中三星三將也。東

北為左肩。主左將。西北為右肩。主右將。東南曰左足。

主後將軍。西南曰右足。主偏將軍。明則天下兵精。失

色則軍散。敗也。急天下兵起。左足人

玉井。兵大起。秦地大水有喪。若突出玉井。則虎狼害人。王臣貳命。火守國易政。兵起災生。日月食出。荒米貴。五星犯災甚。伐主戎狄之國。不宜明。又主斬刈。又主權衡。所以平理也。又主邊城爲九譯。明動不宜。若明與參等。主有大臣謀亂而兵起。玉井主水漿。屏或不見。或客入。皆主人死疾。軍井行軍之井。軍井未達。將不言渴。名取此也。又主軍營之事。天廁溷也。主天下疾病。黃吉青赤。或作白皆凶。不見人多死疾。天屎占與廁同。

南方七宿

井主諸侯帝戚三公之位。明大則封侯建

高厚蒙求

經星主占

吳

國搖動失色。則侯戚有廢戮。三公帝師皆受殃。又主水衡法令所取平也。一大星爲黃道之所經。爲天子之亭候。星明端列。知王者用法甚平。凡暗芒日月食五星逆犯。皆主大臣謀亂。兵起中有六星不欲明。明則水灾。月或宿井主風雨。鉞主斬奢淫。明與井齊及搖動。則天子用鉞於大臣。南北兩河。南主火。北主水。兩河之間爲七政三光之常道。若有動搖及火守主中國兵起。南河星不具。則南道不通。北亦如之。天樽主盛饈粥以給貧餒。暗歉明豐。五諸侯明潤大小齊等。則天下大治。赤則豐。暗則荒。積水供

酒食之正主候水災。不見爲災。積薪備庖厨之用。

明則人主康。火守旱。水府水官也。古與水位同。

水位主水衡。又主瀉溢流。近北河及客星。水火守犯

之皆主百川泛溢。四瀆江淮河濟之精也。明大則

水溢。軍布天軍貿易之市客。及金火守軍大飢。

野鷄主變怪。芒角動搖兵災。移出則諸侯兵起。丈

人主壽考之臣。子孫皆侍丈人之側。不見爲災。

闕邱天子之雙闕。諸侯之兩觀也。金火守兵戰闕下。

狼爲野將主殺掠。芒角變色動搖盜賊作。狄兵起。

居非其處人相食。色宜黃白而明。不宜黑赤。赤及金

高厚蒙文

經星主占

辛

火守皆主兵起。弧兵天弓也。以備盜賊若動搖主

盜賊兵起。明而張滿。天下兵起。老人常以秋分之

世見於丙。秋分之夕。浸於丁。常於秋分候之。明大則

人主有壽。天下安寧。不見則人主憂。鬼天目也。主

祠祀。又主視明察姦。東北星主積馬。東南星主積兵。

西南星主積布帛。西北星主積金玉。隨變占之。其星

明大則穀成。不明民散。動則斂重役多。細則人愁政

急。積尸氣主死。喪祠祀亦稱質。亦稱斧鑕。欲其不

明明則兵起。大臣謀主下民流亡。搖動失色。主疾病
哭號。燿主烽火備警急。不明則安靜。明大則邊亭

有警。搖動芒角亦然。一說明吉暗凶。天狗主守賊。移徙則兵起。金火犯人相食。外厨占與天厨同。天社主平水土。明則吉。天記在外厨之南。主禽獸。金火守禽獸多死。柳天之厨宰也。主尙食和滋味。又主雷雨。明大則酒食豐。搖動主有大人死於酒。失色則饑饉載道。金火守國兵大起。直則天下謀伐。其主就聚則兵鬪國門。酒旗主燕饗。五星守天下大。醕有酒食財物之賜。及爵宗室。星主衣裳文繡。明則王道昌。動則兵起。離則易政。日蝕兵飢。婦人災。木犯人安。土犯旱。金土水犯俱災。又云金火守國兵大起。月暈。孛犯並主兵起。軒轅南大星女主也。次北一星夫人也。屏也。上將也。次北一星妃也。次將也。其次諸星皆次妃之屬也。南小星女御也。左一星少后宗也。右一星太后宗也。色宜黃小而明。張衡云。軒轅形如龍體。主雷雨之神。又後宮之象。凡陰陽交合。盛爲雷。激爲電。和爲雨。怒爲風。亂爲霧。凝爲霜。散爲露。聚爲雲。爲虹。蜺離爲皆。喬分爲抱珥。凡此諸變。皆軒轅主之移徙。則國人流逆。水火金守女主惡。內平。平罪之官。明則刑罰平。暗則否。人相丞相之象。古與相星畧同。稷百穀之長。明大則歲豐。不見人相。

食。

張主天廟明堂女史之位明大則國盛強失色

則宗廟不安明堂廢隋志云主珍寶及宗廟所用衣

服又主天厨飲食賞賚之事明則王者行五禮動則

有賞賚離徙則天下有逆臣就聚有兵金火守兵起

一說主貢物色細無光則王者少子孫日食修禮有

虧月食主大澇火字犯兵起水土犯國不寧天廟

天子祖廟也客守祠官有憂占與虛梁同長垣主

界域及外夷凡火守主有夷人入中國太白入九卿

謀反少微士大夫之位也門南第一星爲處士第

二星爲議士三星爲博士四星爲大夫明大而

高厚蒙求

經星土占

五

黃則賢士舉月五星犯守處士女主有憂宰相易

翼主三公化道文籍凡日月交食五星並逆及芒動

則化道不行文籍壞滅動移則三公廢明大則化成

失色則民流隋志云翼爲天之樂府又主夷狄遠客

負海之賓明大則禮樂興四夷來賓動則蠻夷使來

離徙則天子舉兵或云暗則政治失日食臣僭月食

婦人憂五星字客犯凶東甌主東越穿胸南越三

夷金火守其地有兵芒角動移兵內叛軫主將軍

樂府歌僮之事五星犯亡國失位女子主政百姓失

業賊黨掠人禍生百日之內明大則吉張衡云軫主

車騎明大則車騎備動則車騎用凡有軍出入皆古
于軫。離徙則天子有憂。就聚兵大起。左轄爲王者
向姓右轄爲王者異姓。明則兵起遠軫則凶不見國
有憂。長沙主壽命明則人壽子孫昌若明與軫等
及五星入軫皆主兵起。軍門在青邱西。天子六軍
之門也。土司空主界域。主土功。金火犯男不得耕
女不得織。青邱占與東歐同。器府主樂器之府。
明則樂調暗則有咎。

天地雜說

三垣二十八宿經星之外。又有隕石流星瑞妖孽孛之

高厚蒙求

經星主占

壹

屬亦垂象之所以見吉凶。春秋莊公七年星隕如雨。李
氏廉釋以衆星奔流則知隕星卽流星蓋言或橫奔或
下流紛紛者皆屬星光並非實有星隕于地。又僖公十
七年隕石于宋。蘇氏轍云前書星隕是第見星之隕而
不見所爲石。此書隕石是見所隕有石而不見所爲星。
可見在天爲星在地爲石精之流于天者爲隕星質之
隕于地者爲隕石。是一是二原有攸分。大凡隕石隕星
皆在月輪天下隕星者日月五星之精氣積而流形爲
天帝之使命非確有其星。星形鉅則所應之事鉅。星形
微則所應之事微。隕石者不必全墜。一星如石之有泐。

所墜者殼。故至地則恒如日形。說者曰。此酒湯化爲陰之象。若夫瑞妖彗孛。要皆人世災祥治亂上應乎天。嚴子陵于漢爲客星。凡非常有之星。爲客。均視其星形大小。行度遲速。以爲古瑞星亦客星也。如景星含譽之類。皆呈到治之祥。妖星亦客星也。若彗孛之屬。要皆一方淫毒之氣。著其象于月輪天下。爲刀兵殺掠之徵。孛之狀。勃蓬蓬。光芒四出。彗之狀。如放烟花。光長如帚。甚者經天。凡彗孛皆屬于火。而彗則因日以流光。故晨見。辰則指西。夕見西則指東。蓋未有百日不滅者。其所見之分。必有大咎。又爲除舊布新之象。故見于治極時則

高厚蒙求

天地雜說

書

亂見于亂極時則治。他如兩日並出。兩日相承。兩日相鬪。月亦有之。要皆非真日真月也。此不過顯其形似。預兆國家喪亂兵荒。天漢亦星也。西人測以遠鏡。則見無數微星。合成光氣。互于兩極。爲周天南北之圍。牛斗乘槎。真堪發噓。其遇七夕而隱。越幾日而仍明者。俗稱河去河來。邨媪傳聞。信以爲實。不知秋冬太陰躔度。適經天漢之間。七日後月色漸明。河光爲月所奪。及月躔去遠。則河光如常。理極易明。固無所爲去來也。雲爲地而之氣。呂氏春秋詳其形。而未及其實。天文家嘗以雲分二種。理亦未周。其謂一從渤海起者。則因風帶入內地。

而爲雨。故雨必與風偕。一從地而起者。雖有雲而無雨。卽雨亦必微。余嘗觀山出雲而卽雨。龍于陸地取水而亦雨。則知大地之中。所函皆水。地面廣受日照。無論土面水面。皆有熱氣上升。其一種濕熱之氣。騰至冷際而爲雲。則散而爲雨。其色恒白。一種乾熱之氣。騰至冷際而爲雲。則散而爲風。其色恒黑。可見隨處出雲。有雲卽能成風。雨必以湖海地面爲分。則失之泥。惟從龍之雲。則與自然上騰者微別。蓋龍爲純陽之物。當夏令陽氣上升之時。適爲冷際之寒氣相感。則奮而升天。其所在之處。便能攝地面陰濕之氣。使之上升。于是乎有雲雲。

高厚象求

天地雜說

垂

下或見一線下垂。此是一股地氣上升。並非龍尾。要知此氣直從地面而起。向遠平望。則下垂。向上斜望。則橫互。而人不見其起。從地面者。則以自地至天。共有三際。未出初際。目力不能見及焉。又有垂而天矯者。俗謂龍之掉尾。而以前垂之處。必有大風壞物爲徵。其說非也。蓋龍能攝地氣上升。或于濕熱中帶入乾熱之氣。則至天半而爲風氣。爲風撼。故成搖曳拳曲之形。又嘗見所垂之線。忽寸寸下斷。俗謂斬龍亦非也。此不過一時氣不相攝。故或絕續下墜。而不相連。占雲又或占氣。氣亦雲也。如抱珥背袂之類。則又地面災祥之氣。上燭于天。

而吉凶各如其驗。早暮有霞。霞亦雲也。雲受日光。其層疊有高卑。則掩映參差而成幻色。月華亦雲也。仲秋天氣上升。雲常直歛。月輪之上。偶值浮雲。上翹而下無纖障。則月光上射。而成五色圓光。非中秋則不華。職是故耳。風爲天地間陰氣。凡地面之上。陰爲陽隔。則旋繞而爲風。春則向上。夏則橫空。秋則向下。冬則刮地。雷爲天地間陽氣。凡地下之陽。爲地面之陰揜。則破地而爲雷。烈者爲霹靂。凡有所擊。卽由其人。其物。沴氣所感。故所擊必當雷有神。非妄也。天有是氣。宜卽有是神。以主之。尖吻利爪。殆亦蛟龍之屬。電乃陽氣之發。硫石之精。與

高厚蒙求

天地雜說

美

地面陰氣格鬪成光。物遭必敗。至于電必先雷。譬如施放火礮。必先見火。而後聞聲。其聲并以遠近而分。遲速。電由陽氣過盛。則攝窮谷陰冰。降而爲雹。是爲陰陽不和之占。露則土氣津液。從地而生。若薄以寒氣。則結而爲霜。霰與雪皆雨也。雨下于雲。爲寒氣結。諸寒中者。爲霰。雨未出雲。爲寒氣結。諸雲中者。爲雪。故霰點如雨。而下必在雨雪之前。霧乃濕氣所蒸。百邪之氣。故人或感之。而多病。虹則雨與太陽相薄。而有雌雄。并海有鬻魚。噴氣亦色成紅綠。又有天裂于裂時。或見人。或見火光。或見牛馬豕。又有天鳴。或如雷。或如蟲飛。或如風水相

搏其爲形爲聲。要皆陰陽災異之氣相似而非真。又如
大雨人頭筋骨血肉及五穀禽獸毛髮絲綿布帛花草
杵曰錢墨等類。多由兵災之氣結而成形。亦非真物。并
或妖龍野鬼亦能爲之地。震則以熱氣熏蒸鬱積既久
則破地而出。遂致震動或陷裂。或有聲或見火。故凡土
厚而無江湖以泄氣者。震恒多。澤國則不常震也。溫泉
之說向謂地底日行所過。故其泉獨溫。余以爲天下溫
泉不定在黃道一帶。其所以溫者。地下必有硫石。故洿
之可以愈瘡。海水之鹹亦由乾濕二氣相蒸之故。凡海
燒亦由鹹濕之氣積而成光。寒煖之說。夏至日近天頂
尚厚蒙求

改。熱。冬。至。日。遠。天。頂。故。寒。其。理。易。明。獨。春。秋。二。分。同。躔
二。道。之。交。其。寒。煖。不。同。者。則。以。極。熱。之。後。難。爲。寒。極。寒
之。後。難。爲。煖。故。也。海。水。潮。汐。凡。遲。早。大。小。悉。本。太。陰。舊
說。謂。日。行。地。底。所。過。之。處。其。水。甚。熱。月。升。而。冷。氣。與。之
一。激。乃。漲。而。爲。潮。又。月。輪。在。天。所。對。射。之。處。其。氣。冷。與
月。同。故。再。激。再。漲。而。爲。汐。但。吾。松。郡。每。值。朔。望。則。于。午
時。潮。來。于。是。郡。城。中。人。有。執。舊。說。而。疑。之。者。謂。潮。汐。既
本。月。之。升。沉。則。朔。望。之。潮。當。在。卯。酉。不。當。在。子。午。不。知
申。浦。潮。來。恒。早。于。郡。城。五。刻。及。至。浦。東。則。潮。來。更。早。可
知。發。潮。處。于。朔。望。日。原。在。卯。酉。迤。邐。西。來。至。郡。城。不。能

不遲耳。凡此皆習見習聞之理及門時以親獲相質問
匠撫拾成篇附諸卷末

高厚蒙求初集終

高厚蒙求

天地雜說

五

